

ACTA DA XUNTA DE GOBERNO LOCAL
Sesión extraordinaria e urxente do 2 de febreiro de 2010

ASISTENTES:

Membros :

D. Abel Caballero Álvarez
D^a Isaura Abelairas Rodríguez
D. Francisco Xabier Alonso Pérez
D. Xulio Calviño Rodríguez
D. Santiago Domínguez Olveira
D. Carlos López Font
D. Santos Héctor Rodríguez Díaz

NON ASISTEN:

D^a M^a Xosé Méndez Piñeiro
D. José Manuel Mariño Mendoza
D. Eudosio Álvarez Álvarez

Invitados:

D^a Raquel Díaz Vázquez
D. Xesús López Carreira

D^a María Jesús Lago Rey
D^a Iolanda Veloso Ríos
D^a Laura López Atrio
D. Angel Rivas González

Na Casa do Concello de Vigo, ás trece horas e cincuenta e seis minutos do día dous de febreiro do ano de dous mil dez e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, e o interventor xeral, Sr. González Carnero.

A Xunta de Goberno Local adopta os seguintes acordos:

1(87).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(88).- APROBACIÓN DO PROXECTO DE ORZAMENTOS DO CONCELLO DE VIGO E OS SEUS ORGANISMOS AUTÓNOMOS PARA O ANO 2010.

Sometido a acordo do Goberno municipal o proxecto de orzamento xeral municipal para a anualidade 2010 e vistas as propostas de orzamento dos distintos organismos autónomos municipais remitidas polos respectivos órganos competentes, a Xunta de Goberno Local, de conformidade co sinalado no artigo 127.1.b) da Lei 7/1985, de 2 de abril, acorda:

Primeiro.- Aprobar como proxecto o orzamento xeral municipal para a anualidade 2010.

Segundo.- Remitir o proxecto de orzamento xeral e o expediente tramitado, no que consta a correspondente proposta, ao Pleno do Concello para a súa aprobación inicial, emenda ou devolución previo informe do mesmo pola Comisión Informativa correspondente.

3(89).- DAR CONTA DA ELABORACIÓN DUN PLAN ECONÓMICO FINANCEIRO.

Dáse conta da elaboración dun Plan Económico-Financeiro mediante escrito da concelleira delegada de Economía e Facenda, de data 2.02.10, que di o seguinte:

Co orzamento do exercicio 2.010 , a nosa cidade vai a escribir un importante capítulo, do que está sendo o proceso transformador máis intenso da súa historia, ao concentrar nun período de tempo relativamente corto, un volume de inversión sen precedentes.

A aposta do actual goberno municipal por facer de Vigo unha cidade dinámica, competitiva e moderna, manifestase nun conxunto de actuacións que de forma gradual están modificando a súa fisionomía urbana, actuacións que son transcendentales para a vida de tódolos vigueses/as, con novos equipamentos sociais, viarios, deportivos ou culturais, de novas zonas verdes ou de máis espazos recuperados para os peóns, convertendo ao cidadán no auténtico centro do novo modelo de cidade que queremos implantar.

Facer realidade este proxecto de cidade, esixe tamén un gran esforzo orzamentario, supón unha nova etapa na que precisamos ter a garantía de contar cos recursos financeiros suficientes para satisfacer as novas necesidades de gasto. O orzamento do exercicio 2.010, da paso a esta nova etapa na que se seguirá transformando a cidade con actuacións máis próximas ao cidadán, e ao seu contorno.

Segundo o establecido no artigo 20 da Lei Xeral de Estabilidade Orzamentaria, as entidades locais que incumpran no seu orzamento co obxectivo de estabilidade, teñen que elaborar un plano económico – financeiro.

Esta circunstancia vaise producir no orzamento correspondente ao exercicio 2.010, e por iso estamos elaborando un plano económico-financeiro que proxectará os seus efectos económicos nos próximos anos, acadando o obxectivo de estabilidade orzamentaria, nun horizonte do medio prazo garantindo deste xeito, a sustentabilidade da facenda pública municipal.

Este plano vai a incluír:

- Unha avaliación do incumprimento do obxectivo de estabilidade, e dicir, cales foron as causas de porque incúmprase a estabilidade orzamentaria; así neste Concello o incumprimento da estabilidade é consecuencia dunha necesidade de 27.000.000€, para poder financiar as devanditas obras de equipamento e infraestruturas na nosa cidade.

Por iso, hai que ter en conta que este Concello, si cumpre o resto das regras da normativa, aspecto moi positivo de cara a acadar o que pretendemos, pois, o seu nivel de aforro neto é positivo e o nivel

de endebedamento está moi por debaixo do límite legal do 110% (o nivel de débeda viva de carácter financeiro, respecto os ingresos das operacións correntes situase no Concello de Vigo por debaixo do 20%.

- Por outra banda, o plano contén os datos económicos a nivel de capítulo do orzamento no que hai desequilibrio, asemade as previsións orzamentarias dos tres exercicios posteriores ata acadar o equilibrio.

Inclúese no devandito plano a explicación dos axustes e as medidas de xestión que se van aplicar, para que os ingresos e os gastos sexan os orzamentados, de maneira que se consiga o efecto económico de acadar de novo o equilibrio nas contas municipais.

Polas razóns indicadas, este Concello adoptará as medidas previstas no plano, garantindo o cumprimento do obxectivo de acadar a estabilidade orzamentaria no período antes indicado.

Acordo

A Xunta de Goberno local queda enterada.

E sen ter máis asuntos que tratar, o Sr. presidente rematou a sesión ás catorce horas. Como secretaria dou fe.

me.

A CONCELLEIRA-SECRETARIA
DA XUNTA DE GOBERNO LOCAL,

Isaura Abelairas Rodríguez.